

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

1. **Qaanaami eqqaanilu aalisarnermik inuussutissarsiuteqarnerup siuarsarneqarnissaa pillugu Naalakkersuisut qanoq iliuseqarpat ?**
2. **Qaanaap kangerluani Qeqertat-ni aalisakkanut tunitsiveqalersinnaanera Naalakkersuisunit qanoq isumaqarfigineqarpa ?**
3. **Qeqertat-ni aasaanerani aalisakkanut umiarsuarmik tunitsivilisinnanermut periarfissat Naalakkersuisunit misissorneqarsimappaat ?**
4. **Aasaanerani appaliarsuppassuit Avanersuarmut tikittartut qanoq ilillugit tunitsiveqarnikkut iluaqutigineqarsinnaappat ?**
5. **Nerlerpassuit Avanersuarmut aasaanerani aqqusaartartut qanoq ilillugit iluqutiginiarneqarsinnaappat ?**
6. **Apeqquut 5-imi nerlerit piniagaasarnerisa eqqissisimatinneqartarnerisalu allangortinneqarsinnaanerat Naalakkersuisut qanoq isumqarfigaat ?**

(Inatsisartunut ilaasorta, Anthon Frederiksen, Partii Naleraq)

Tungavilersuut:

Qaanaami eqqaanilu aalisarnikkut piniarnikkullu periarfissarpassuit atorluarneqartuuppata aningaasarsiornikkut suliffissaqartitsinikkullu tamanut iluaqutaasinnaanerat qularutissaanngilaq, taamaammallu aalisarnikkut piniarnikkullu aqqissuussineq ineriartortitsinissamullu periarfissat pitsanngorsarneqarnissaat, minnerunngitsumillu aamma piniakkat killilersorneqarnerat eqqissisimatinneqartarnerallu nalilersorluassallugu pisariaqarpoq.

Ullut suliffiit qulit qaangiutinnginnerani akineqarnissara kissaatingaara.